

Onderwysersgids

GRAAD 1

AFRIKAANS

HUISTAAL





Onderwysersgids

GRAAD 1

AFRIKAANS

Inhoud

INLEIDING	1
OORSIG VAN DIE NHLRP	2
BEGRIP VAN DIE TAALSTRUKTURE VAN SUID-AFRIKAANSE TALE EN DIE IMPAK OP GELETTERHEIDSONDERRIG	5
VERSTAAN HOE KINDERS LEER LEES EN SKRYF	14
WEEKLIKSE ROETINES	18
Maksimum Tyd (8 ure per week)	18
Graad 1 Minimum Tyd (7 ure per week)	19
HULPBRONNE	20
Onderrigplan	20
Klankkaarte	21
Drukskrif: handskrifkaart	22
Storiebundel: Gedeelde Leesverhale	23
Flitskaarte	24
Kernleesboek	25
Assesseringsboekie	27
KLASKAMERBESTUURSTRATEGIEË	28
Uitroep van Leerders	28
Aandagstrategieë (Om Leerders se Aandag Te Verkry)	30
Die bepaling van 'n Gedragskode	35
Bestuur van Groepbesprekings	37
Oorgangsaktiwiteite	39
DANKIE!	44



Inleiding

Welkom by die 'National Home Language Reading Programme' (NHLRP).

Die NHLRP is 'n gestruktureerde leerprogram (GLP) vir Huistaal. Dit beteken die program is sorgvuldig ontwikkel vir die onderwyser om daaglik te volg vir die onderrig van Huistaal.

Die program is die resultaat van navorsing, ontwikkeling en die deel van beste praktyke deur 'n ervare groep persone van die DBO en Provinsiale Departemente, Befonders, Publieke Vennote en NGO's.

Ons hoop u vind die onderwysershandleiding maklik om te gebruik en dat u dit sal geniet om die NHLRP te gebruik.



Oorsig van die NHLRP

Die “National Home Language Reading Programme” is ’n gestruktureerde geletterdheidsprogram vir Graad 1-3 Huistaal.

Die NHLRP ondersteun onderwysers hoofsaaklik deur die volgende te bied:

1. Die kennis wat benodig word om lees, skryf en begripslees effektief te onderrig
2. ’n Raamwerk om die huistaal te onderrig
3. Hulpbronne om die onderrigplan te ondersteun
4. Riglyne om ander hulpbronne te integreer

1. Watter kennis is nodig om lees, skryf en begripslees effektief te onderrig?

- a. **Kennis van die linguistiese strukture, wat begrip van die volgende insluit:**
 - Die linguistiese strukture van Afrikatale en Engels
 - Die impak van hierdie strukture op geletterdheid
 - Die belang van kennis oor die verskil tussen die linguistiese strukture van Afrikatale en Engels
- b. **’n Op-datum en bewysgebaseerde begrip van hoe kinders leer om te lees, skryf en begryp, wat kennis en begrip van die volgende insluit:**
 - Wat onderrig moet word
 - Wat geoefen moet word
 - Wat deurlopend ontwikkel moet word
 - Wanneer die verskillende geletterdheidselemente/-vaardighede bekend gestel moet word
 - Hoe om geletterdheidskennis en -vaardighede te onderrig, te oefen en te ontwikkel
- c. **Kennis oor die strategieë om leerders effektief in die klaskamer te bestuur, wat begrip van die volgende insluit:**
 - Die belang van ’n veilige leeromgewing vir geletterdheidsontwikkeling
 - Hoe om ’n veilige leeromgewing te skep en te onderhou
 - Hoe om jong kinders op die beste te bestuur

2. Waaruit bestaan die NHLRP-raamwerk?

- a. **’n Gestandaardiseerde twee-weeklikse roetine**
 - Belyn met die beleid
 - Logies en goed-ontwerp
 - Dek alle taalkomponente
- b. **’n Stel aktiwiteite of lesse vir elke taalkomponent**
 - Belyn met die beleid
 - Belyn met bewyse van die beste praktyk
 - Lesse en aktiwiteite oor luister en praat
 - Lesse en aktiwiteite oor klanke
 - Groepbegeleide lesse en aktiwiteite oor lees

OORSIG VAN DIE NHLRP

- Lesse oor gedeelde lees en aktiwiteite
- Handskriflesse en -aktiwiteite
- Lesse en aktiwiteite oor skryf en taalstrukture
- c. **Kwartaal-vir-kwartaal assesseringstake en rubrieke**
 - Belyn met die beleid
 - In lesse geïntegreer
- d. **Kwartaal-vir-kwartaal hardoplees-vlotheidstoetse**
 - 'n Reeks toetse wat belyn is met Funda Uphumelele National Survey (FUNS)
 - Formatiewe toetse om leesvlotheid te moniteer en remedieer
 - Met formele assesseringsprogramme geïntegreer waar van toepassing

3. Watter hulpbronne word voorsien om die NHLRP Onderrigplan te ondersteun?

Die NHLRP sluit die volgende ondersteuningsbronne in:

- a. Onderrigplanne
- b. Klankkaarte
- c. Plakkate vir handskrif
- d. Kernleesgids
- e. Storiebundels
- f. Flitskaarte
- g. Assesseringsboek

4. Riglyne om ander hulpbronne te integreer

Die NHLRP-program vereis die volgende aanvullende hulpbronne:

- a. **Stories vir hardoplees**
 - Onderwysers in Graad 1-3 moet vir minstens 15-20 minute per dag hardop lees vir die leerders.
 - Addisionele Storiebundels, Grootboeke, Storieboeke moet aangewend word en vir hierdie doel gebruik word.
- b. **Klankkaarte**
 - Die NHLRP verskaf 'n kaart vir elke foneem/grafeem wat in 'n graad onderrig of hersien word.
 - Die Onderrigplan vereis dat onderwysers hierdie kaarte gebruik om die foneem/grafeem aan leerders bekend te stel, om foneme/grafeme te hersien, en om die samevoegings van foneme/grafeme te demonstreer.
 - Indien onderwysers toegang het tot bykomende klankkaarte, moet hulle dit gebruik vir:
 - Klaskameruitstallings van foneme en woorde
 - Kleingroep-remediëring/konsolidasie-aktiwiteite
- c. **Gegradeerde of vlakgebaseerde leesboeke**
 - Die NHLRP bied 'n Kernleesboek aan leerders. Hierdie leesboek het 'n duidelike fokus op vaardigheidsontwikkeling.
 - Dit bied nie geleentheid vir uitgebreide lees of lees vir plesier nie.
 - Onderwysers moet die program aanvul met bykomende leesmateriaal vir leerders.
 - Gegradeerde of vlakgebaseerde leesboeke moet tydens groepbegeleide leeslesse gebruik word, sodra leerders die kernleeseraktiwiteite voltooi het.

OORSIG VAN DIE NHLRP

- Ideaal gesproke moet leesboeke ook saam met leerders huis toe gestuur word vir bykomende lees oefening.

d. **Gedeelte Leestekste**

- Die NHLRP verskaf een Storiebundel per kwartaal vir Gedeelte Lees.
- Die fokus van hierdie lesse is om leerders se mondelinge taal- en begripsvaardighede te ontwikkel.
- Soos wat distrikte of onderwysers van tyd tot tyd Grootboeke met vergrote tekste wil gebruik, kan hulle Gedeelte Leestyd vir hierdie doel gebruik.
- Dit word egter nie aanbeveel dat dit vir alle lesse gedoen word nie – die ontwikkeling van mondelinge begrip is baie belangrik.

e. **Plakkate**

- Plakkate is nuttige hulpmiddels vir woordeskatontwikkeling en besprekings.
- Die NHLRP Kernleesboek se temaprente kan vir hierdie doeleindes gebruik word.
- Onderwysers kan kies om dit aan te vul met bykomende plakkate indien beskikbaar.

Begrip van die Taalstrukture van Suid-Afrikaanse Tale en die Impak op Geletterheidsonderrig

Deur P.S. Groome Januarie 2026

Vir baie jare was die benadering tot die onderrig van geletterdheid in alle Suid-Afrikaanse tale gebaseer op die model wat vir die Germaanse tale, Engels en Afrikaans, gebruik is. Dit is veral duidelik in die insluiting van konsepte wat spesifiek geld vir Engels in Afrikataal-beleidsdokumente, byvoorbeeld die spesifisering van die onderrig van klanke wat uit twee vokale bestaan en sigwoorde.

Dit was baie nadelig vir leerders van die Afrikatale en het die lees- en begripsvermoë se resultate negatief beïnvloed. Om geletterheidsvaardighede effektief aan leerders van Afrikatale te onderrig, moet ons sommige van die taalkundige strukture verstaan en hoe dit die onderrig van geletterheid beïnvloed.

Ons moet ook onthou dat baie leerders wat 'n Afrikataal as huistaal beoefen, Engelse of Afrikaanse geletterdheidsvaardighede sal aanleer en andersom. Daarom moet ons bewus wees van die ooreenkomste en verskille tussen die taalstrukture van hierdie tale, ten einde geletterheidsvaardighede op die mees effektiewe wyse aan leerders in verskeie tale te onderrig.

Let Wel: Die verduidelikings wat volg is 'n eenvoudige inleiding tot 'n beter begrip van die taalkundige strukture van Suid-Afrikaanse tale. Hierdie verduidelikings is daarop gemik om die strukture, wat 'n invloed op die vroeë geletterheidsontwikkeling het, te ontleed.

Alfabetiese tale

1. Alle Suid-Afrikaanse tale is alfabeties en gebruik die Latynse alfabet om spraakklanke voor te stel.
2. Die meeste tale gebruik al 26 letters van die alfabet. Daar is egter uitsonderings soos hier onder aangedui:
 - Setswana & Sepedi gebruik nie: c, q, v, x, z
 - Sesotho gebruik nie: c, v, x, z
 - Tshivenda gebruik nie: c, j, q
 - Siswati gebruik nie: x, q



Watter invloed het dit op die aanleer van geletterdheid?

1. Dit is belangrik om leerders bewus te maak van die letters in die alfabet van hulle taal.
2. Wanneer twee tale onderrig word, moet die leerders bewus gemaak word van die verskille in die alfabet van die twee tale.

Foneme en grafeme

1. Alle Suid-Afrikaanse tale beskik oor foneme en grafeme.
2. Foneme is die kleinste herkenbare klankelemente van 'n taal.
3. Grafeme is die geskrewe voorstelling van die spraakklanke.
 - Grafeme kan in Suid-Afrikaanse tale op drie verskillende maniere gevorm word:
 - 'n Enkel letter: t, s, h, m
 - 'n Letter of letters met 'n diakritiese teken: ê, š, ë, ń
 - 'n Kombinasie van letters: sh, dl, tsh, tlh, ai, eeu



Watter invloed het dit op die aanleer van geletterdheid?

1. Dit is belangrik om leerders uitdruklik en sistematies die volledige stel foneme en grafeme van hulle taal aan te leer. Dit is immers die boustene van basiese geletterdheid.
2. Dit is ook nuttig vir leerders om te weet dat daar net 'n sekere aantal foneme en grafeme is om aan te leer en hoeveel dit is.
3. Maak die leerders bewus van die uitspraak van die foneme in elke taal wanneer twee tale aangeleer word, byvoorbeeld:

Die verskil in die uitspraak van a of u

isiZulu	Engels	Afrikaans	isiZulu	Engels	Afrikaans
apula	ant	appel	ubisi	umbrella	uniek

BEGRIP VAN DIE TAALSTRUKTURE VAN SUID-AFRIKAANSE TALE

Let wel: In isiZulu word die **a** dieselfde uitgespreek as die Engelse **u**. Ook verskil die uitspraak van die **a** en **u** in Engels en Afrikaans van mekaar. Dink net hoe verwarrend dit vir jong kinders moet wees.

- In alle tale word die volgende dieselfde uitgespreek: s, t
- Engels en Afrikatale met klikklanke verskil in die uitspraak van: c, q, x

isiXhosa	Engels	isiXhosa	Engels	isiXhosa	Engels
isaci	cat	qala	queen	xa	box


- In Tshivenda en Engels klink dzh en j dieselfde

Tshivenda	Engels
dzhena	jump

Let wel: Dit is belangrik vir leerders om te verstaan dat foneme en grafeme die boustene van onderskeidelik gesproke en geskrewe woorde is. Daarom moet leerders so vroeg as moontlik eenvoudige woorde begin lees en skryf. Foneme en grafeme moet nooit in isolasie vir leerders aangeleer word nie.

Konsonantsamevoegings

1. Alle Suid-Afrikaanse tale beskik oor konsonantsamevoegings.
2. In Afrikatale word baie konsonantsamevoegings gewoonlik gevorm deur:
 - Die byvoeging van 'n **n** voor die foneem **n+_**
 - Die byvoeging van 'n **w** na die foneem **_+w**
 - Die byvoeging van 'n **n** voor die foneem en 'n **w** na die foneem **n+_+w**



Watter invloed het dit op die aanleer van geletterdheid?

1. Maak eers seker dat die leerders individuele konsonantfoneme ken. Leer hulle dan die vaardigheid om konsonante saam te voeg en so 'n konsonantsamevoeging te vorm. Die samevoeging kan soms selfs uit 3 letters bestaan.
2. Maak leerders bewus van algemeen gebruikte samevoegings (Afrikatale: **n+_/_+w/n+_+w** Afrikaans: **s+_/_+w/s+_+w**). Sodra hulle hiervan bewus is, sal samevoeging makliker bemeester word.
3. Stel die leerders eers bekend aan samevoegings wat uit 2 letters bestaan, byvoorbeeld **b+r**
4. U kan sistematies meer komplekse en langer samevoegings bekendstel, byvoorbeeld: **s+t+r** in Afrikaans en **n+tlh+w** in Afrikatale.

BEGRIP VAN DIE TAALSTRUKTURE VAN SUID-AFRIKAANSE TALE

Let wel:

In Afrikatale is $n+g>ng$ en $n+y>ny$ foneme en nie samevoegings nie.

Dieselfde beginsels geld vir Engels en Afrikaans, maar met verskillende patrone. Voorbeeld: daar word 'n r of 'n l na 'n konsonant aangetref: br, sl.

Klanke wat uit twee vokale bestaan en vokaalreekse

1. Klanke wat uit twee vokale bestaan, word hoofsaaklik in Engels en Afrikaans gebruik.
2. So 'n klank bestaan uit twee vokale wat saamgevoeg is om 'n enkele klank te vorm. Voorbeeld:



- oe in moet
- ee in deel
- eu in deur
- aa in maan

Ons hoor nie die klank van elke individuele vokaal nie.

3. In Afrikatale is die meeste vokale wat langs mekaar verskyn, vokaalreekse – elke vokaal word afsonderlik uitgespreek.
4. Doen die volgende om dit te toets:
 - a. Skryf die woord op die bord: bosiu
 - b. Sê die woord hardop: bosiu
 - c. Klap die woord in lettergrepe: bo-si-u
 - d. Trek die lettergrepe in die woord: bo/si/u
5. Neem kennis van die resultaat: Die twee vokale vorm nie saam een vokaalklank nie. Hulle maak duidelik elkeen hul eie klank en is deel van twee verskillende lettergrepe.
 - In die Sotho-tale en Xitsonga, gebeur dit soms dat 'n vokaal verdubbel word en dit een nuwe klank vorm. Voorbeeld:
 - Sesotho: oo in boona
 - Xitsonga: ee in ahee

Watter invloed het dit op die aanleer van geletterdheid?

1. Onderrig die leerders uitdruklik die volgende:
 - Vokale/Klinkers het spesiale klanke.
 - Woorde kan in lettergrepe verdeel word – die deel van die woord wat ons hoor as ons die woord uitklap.
 - In elke lettergreep is daar 'n vokaal/klinker.
2. Stel die volgende konsepte aan die leerders bekend soos hulle voorkom:
 - 'n Klinker kan saam met 'n ander klank ('n foneem) 'n lettergreep vorm, byvoorbeeld **ba**, **me**, **wa**,

BEGRIP VAN DIE TAALSTRUKTURE VAN SUID-AFRIKAANSE TALE

- 'n Klinker kan 'n lettergreep saam met twee ander klanke (foneme) vorm, byvoorbeeld **ra-tel**.
3. In Afrikatale kan 'n klinker ook 'n lettergreep op sy eie wees, byvoorbeeld **a-ma, bo-e-la**
 4. Moenie leerders van Afrikatale verwar deur vokaalreekse as diftonge te onderrig nie. Leerders moet verstaan dat vokale langs mekaar kan staan, maar dit verander nie hulle individuele klanke nie.

Let wel:

Ons moet onthou dat die /m/ sillabies/lettergreepig in die Nguni-tale is. Die /m/ kan derhalwe 'n lettergreep op sy eie wees, byvoorbeeld: /u/m/fa/na/.

Dieselfde geld vir /m/, /n/ en /l/ in Sotho.

Ondeursigtige Ortografie/Spelling

1. In 'n onduidelike of ondeursigtige ortografie is die verhouding tussen die foneme en grafeme nie altyd duidelik of maklik om te sien nie.
2. Engels het 44 foneme wat deur meer as 250 grafeme verteenwoordig word. Dit beteken Engels het 'n ondeursigtige ortografie of spelwyse.
3. Voorbeeld: die /f/-klank kan as volg geskryf word:
 - **f** soos in 'fish'
 - **ff** soos in 'cliff'
 - **ph** soos in 'photo'
 - **gh** soos in 'laugh'



Watter invloed het dit op die aanleer van geletterdheid?

1. Hierdie soort spelwyse maak die onderrig van klanke en dekodering baie meer kompleks.
2. Dit beteken ook dat dit baie langer sal neem om die klanke van die spesifieke taal vir die leerders aan te leer.
3. Onderrig die foneme/grafeme in die volgorde van hul gebruiksfrekwensie. Dit help die leerders om foneties te lees en te skryf terwyl hulle voortgaan om meer komplekse grafeme te leer.
4. Moenie leerders penaliseer as hulle 'n woord foneties skryf terwyl hulle nog nie die korrekte grafeem geleer het nie. As 'n kind in Engels 'foto' in plaas van 'photo' skryf, moet hulle geprys word.
5. As 'n nuwe foneem bekendgestel word, herinner die leerders aan ander grafeme wat hulle geleer het. U kan byvoorbeeld sê:
 - Ons het in Engels die /f/ klank geleer as **f**.
 - Wanneer ons die klank /f/ aan die einde van 'n woord hoor, skryf ons dit meestal as 'n **ff** soos: 'cliff' of 'sniff'.

Deursigtige ortografie

1. Tale met 'n deursigtige ortografie het 'n noue een-tot-een verhouding tussen foneme en grafeme.
2. Dit beteken dat elke klank meestal net op een manier geskryf word.
3. Alle Afrikatale het sterk deursigtige spelwyses met 'n paar uitsonderings.

Wat beteken dit vir die onderrig van geletterdheid?

1. Die onderrig van klanke en dekodeering is baie eenvoudiger en behoort teen 'n vinniger tempo in die Afrikatale aangeleer te word as ons die deursigtigheid van die spelwyse in ag neem.
2. Sê vir die leerders hoeveel foneme/grafeme hulle in hul taal moet aanleer.
3. Verduidelik aan die leerders dat hulle enige woord in hul taal sal kan lees, sodra hulle hierdie klanke kan lees en die klanke kan saamvoeg.
4. Maak leerders bewus daarvan dat dit 'n spesifieke aantal is. Help die leerders om hulle vordering in die aanleer van die foneem-grafeem-verhoudings te monitor en na te spoor.

Let wel:

Dit is van uiterste belang dat leerders die lees en skryf van foneme en grafeme vroegtydig baasraak. Die MLV-toetsing is 'n baie handige hulpmiddel om dit te monitor. As leerders sukkel om woorde te dekodeer, neem die proses hulle werkgeheue in beslag, en dan het hulle nie die werkgeheue om die betekenis van wat hulle lees te bepaal nie.



Woordstrukture

1. In hierdie geval:
 - K verteenwoordig konsonant
 - V verteenwoordig vokaal
2. Afrikatale gebruik 'n VKV- of KVKV-woordstruktuur.
3. Engels en Afrikaans gebruik 'n KVK-woordstruktuur.

Wat beteken dit vir die onderrig van geletterdheid?

1. Wanneer leerders begin om te lees, is dit die woordstrukture wat hulle sal teëkom.
2. Dit kan nuttig vir leerders wees dat daar 'n voorspelbare patroon in woorde is.
3. Maak leerders van Afrikatale bewus daarvan dat die meeste woorde uit /KV/- of /VKV/-patrone bestaan. Voorbeeld:

R	o	n	a
K	V	K	V

N	n	a
K	K	V

U	m	a	m	a
V	K	V	K	V



4. 'n Woord kan met 'n enkele vokaal as 'n lettergreep begin, maar daarna volg die KV patroon. Voorbeeld:

A	b	a	z	a	l	i
V	K	V	K	V	K	V

5. Vir leerders wat Engels of Afrikaans leer, sal die eerste woorde wat hulle leer die patroon van KVK volg, soos:

C	a	t
K	V	K

p	a	n
K	V	K

6. Om die KVKV- of KVK-woorde vir vroeë dekodering te leer is 'n nuttige strategie, want dit leer die leerders dat woorde patrone het.
 - In Afrikatale is die basiese patroon KVKV.
7. In Engels en Afrikaans is die basiese patroon KVK. Dit leer ook vir die leerders dat 'n woord 'n beginklank, middelklank en eindklank het.
8. Dit is belangrik om leerders van twee tale bewus te maak van die verskille in woordstrukture om verwarring te voorkom.

Morfeme

1. Alle Suid-Afrikaanse tale beskik oor morfeme.
2. 'n Morfeem is die kleinste betekenisdraende deeltjie in 'n taal.
3. 'n Gebonde morfeem moet aan 'n ander morfeem geheg word om betekenis te hê: Voorbeeld: on-
4. 'n Vry morfeem kan op sy eie staan en het betekenis. Voorbeeld: kat.
5. Afrikatale het selfstandige naamwoordklasstelsels.
 - Elke selfstandige naamwoord kry 'n voorvoegsel wat die klas van die selfstandige naamwoord aandui, asook of dit enkelvoud of meervoud is.
 - Hierdie voorvoegsels is morfeme wat elkeen betekenis dra. Voorbeeld:
Umuntu – umu, of um, dui die naamklas 1 (mense) in die enkelvoud aan.
 - Abantu – aba, of ba, dui die naamklas 2 (mense) in die meervoud aan.
6. In Engels of Afrikaans word die meervoud van 'n selfstandige naamwoord meestal deur 'n agtervoegsel aangedui, byvoorbeeld:
 - dog, dogs
 - hond, honde



Wat beteken dit vir die onderrig van geletterdheid?


1. Leer die leerders om morfeme vroeg te herken, selfs op 'n eenvoudige manier deur premorfeme/voorvoegsels, basismorfeme en postmorfeme/agtervoegsels.
2. Sodra die leerders bewus is van hierdie verskillende dele van 'n woord, kan hulle geleer word om:
 - na bekende morfeme in lang of moeilike woorde te soek
 - die betekenis van 'n woord te verander deur 'n morfeem te verander, óf om 'n morfeem by te voeg
 - die betekenis van 'n onbekende woord te ontdek deur die woord in morfeme te verdeel, en
 - nuwe woorde te vorm deur morfeme by die basisvorm of stam van die woord te voeg
3. Maak die tweetalige leerders bewus van die verskillende maniere waarop morfeme gebruik word om dieselfde ding aan te dui. Voorbeeld: by die aanleer van meervoude word verduidelik dat:
 - meervoude in Afrikatale deur premorfeme aangedui word, terwyl
 - meervoude in Engels en Afrikaans deur postmorfeme aangedui word.

Konjunktiewe/disjunktiewe ortografie

1. Konjunktief en disjunktief verwys na die skryfstelsel van 'n taal – hoe 'n taal geskryf word.
2. 'n Konjunktiewe ortografie is 'n skryfstelsel wat dele in een lang woord aan mekaar verbind.

Voorbeeld:

- Die onderwerpsooreenstemming: ngi-
- Die teenwoordige tydsmorfeem: -ya-
- Die werkwoord se stam: -bhal-
- Die finale werkwoord kategoriese morfeem: -a
Ngiyabhala.



3. 'n Disjunktiewe ortografie is 'n skryfstelsel wat geneig is om sommige morfeme as aparte woorde te skryf. Voorbeeld:
 - Die onderwerpskonkord: ke-
 - Die teenwoordige tydsmorfeem: -a-
 - Die stam van die werkwoord: -ngol-
 - Die finale kategoriese morfeem van die werkwoord: -a
Ke a ngola.
4. Die Sotho-tale, Tshivenda, Xitsonga, Engels en Afrikaans het 'n meer disjunktiewe skryfstelsel.
5. Die Nguni-tale het 'n meer konjunktiewe skryfstelsel.

Wat beteken dit vir die onderrig van geletterdheid?

6. Dit is belangrik om die ortografie van u taal te ken en om dit korrek te onderrig.
7. In die Nguni-tale kan dit tot gevolg hê dat jong leerders gou baie lang woorde moet lees.
8. Onderrig leerders addisionle strategieë om hiermee te help, byvoorbeeld:
 - Verdeel woorde in lettergrepe. Voeg daarna die lettergrepe saam om die woord te lees.
 - Identifiseer en lees bekende morfeme eerste en lees daarna die res van die woord



Verstaan Hoe Kinders Leer Lees en Skryf

NUTTIGE TERMINOLOGIE

- **foneme:** die kleinste klankeenhede van 'n taal
- **grafeme:** die geskrewe simbole wat gebruik word om die klankeenhede (foneme) van 'n taal voor te stel
- **enkodeer:** die mondelinge vorm van 'n taal omskep in geskrewe vorm
- **dekodeer:** die geskrewe vorm van 'n taal omskep in mondelinge vorm
- **fonetiek/klankleer:** die proses om foneem/grafeem-verwantskappe aan te leer
- **morfeem:** die kleinste deel van 'n woord wat betekenis het
- **morfologie:** verstaan hoe die dele van woorde, genoem morfeme, betekenis skep

Ons hoofdoel as grondslagfaseonderwysers is om te verseker dat ons leerders met vlotheid en begrip kan lees en skryf teen die tyd wat hulle Graad 3 verlaat.

Om dit te bereik, moet ons ons leerders deur die boustene van geletterdheid lei.



Bousteen 1: Leerders moet 'n begrip van klanke en foneme ontwikkel

- 'n Begrip van klanke en foneme is vaardighede wat voor leesontwikkeling plaasvind.
- Leerders kan dit met geslote oë doen – hulle hoef niks te lees nie.
- Leerders moet geleer word hoe om:
 - Verskillende omgewingsklanke te identifiseer.
 - Ritmes en rympies te hoor en herhaal.
 - Die verskillende woorde in 'n sin te hoor.
 - Die verskillende klanke in 'n woord te hoor.
 - 'n Klank uit 'n woord te verwyder en te sê wat oorbly.
 - 'n Klank in 'n woord te verander om 'n nuwe woord te skep.

Bousteen 2: Leerders moet klank-letter-verhoudings en handskrif aanleer

Leerders moet die volgende geleer word:

- Die verhouding tussen die klanke (foneme) en geskrewe voorstelling van klanke (grafeme) in hulle taal.
- Om al die klanke van hulle taal vlot en outomaties te kan lees en skryf.
- Om die letters wat die klanke voorstel korrek te vorm (handskrif).

Bousteen 3: Leerders moet leer hoe om woorde te dekodeer en te enkodeer.

a. Leerders moet die volgende geleer word:

- Hoe om geskrewe woorde te lees (dekodeer).
- Hoe om geskrewe woorde te skryf (enkodeer).

b. Om dit te kan doen, moet hulle leer hoe om onbekende woorde in klanke te verdeel. (verdeling)

c. Hulle moet dan weet hoe om die klanke saam te voeg om woorde te lees. (samevoeging)

d. Om suksesvolle enkodeerders en dekodeerders te word, het leerders baie geleentheids nodig om hul fonetiese kennis te oefen deur lees- en skryfaktiwiteite.



Bousteen 4: Leerders moet oefen om woorde in hulle geheue te stoor

a. Ons moet aan leerders genoeg lees- en skryfoefening gee sodat hulle woorde vlot en outomaties kan lees en skryf.

- Leerders sal 'n woord in hul brein kan vaslê sodra hulle:
 - Die woord kan hoor en herken (die klank daarvan).
 - Die woord kan lees.
 - Die betekenis van die woord verstaan.
 - Die woord al baie keer in konteks teëgekom het.
- Dit sal die leerders toelaat om woorde vinnig te herroep sodat hulle dit kan lees en skryf.
- Hierdie is 'n belangrike verbinding tussen dekodering en vlotheid (ortografiese inprenting).

Bousteen 5: Leerders moet leesvlotheid ontwikkel

- a. Ons moet die leerders help om akkuraat te lees.
 - Dit beteken dat hulle met min of geen foute moet kan lees.
- b. Ons moet die leerders help om teen 'n goeie tempo te lees.
 - Ideaal, moet leerders teen 'n praattempo lees.
 - Indien lees te stadig is, sal begrip nie moontlik wees nie.
- c. Ons moet die leerders help om met die korrekte toon en uitdrukkings te lees (intonasie en spraakritme).
 - Om met die gepaste uitdrukking te lees toon aan dat die teks verstaan word.
 - Die toon van 'n woord of frase kan die betekenis beïnvloed en daarom moet dit korrek geles word.

Bousteen 6: Leerders moet ook skryfvlotheid ontwikkel

- a. Ons moet die leerders help om akkuraat te skryf.
 - Dit beteken dat hulle die 'norme' van die geskrewe taal moet ken: hoe om woorde te vorm, hoe om dit te spel, waar om spasies te laat en hoe om leestekens en diakritiese tekens te gebruik.
- b. Ons moet die leerders help om teen 'n goeie tempo te skryf.
 - Om dit te doen, het hulle baie oefening nodig om woorde vinnig te onthou.
 - Hulle moet ook oefen om skryfstamina te bou.
- c. Meestal moet leerders selfvertroue ontwikkel om hulle eie gedagtes en idees op papier te sit en onafhanklik te skryf.



Bousteen 7: Om met begrip en betekenis te lees en skryf, moet ons die leerders se kennis opbou.

- a. Leerders moet 'n breër en dieper woordeskat ontwikkel om die woorde wat hulle lees te verstaan.
- b. Hulle moet 'n breër en dieper algemene kennis ontwikkel om die teks te kan verbind met dit wat hulle reeds weet.
- c. Hulle moet 'n begrip van die taalstrukture ontwikkel.
 - Om die taalstrukture van die taal te verstaan help leerders om sin daarvan te maak.

Bousteen 8: Ons moet ons jong leerders help om 'n liefde vir taalleer te ontwikkel.

- a. Ons moet die leerders help verstaan dat taalleer 'n lewenslange reis is.
- b. Ons moet ons bes doen om te verseker dat taalleer 'n bevredigende en genotvolle ervaring is.
- c. Ons moet 'n veilige en ondersteunende ruimte vir taalleer skep.

Bousteen 9: Ondersteuning en Ontwikkeling

Soos die NHLRP geïmplementeer word, sal 'n reeks ondersteunings- en ontwikkelingshulpbronne ontwikkel en gedeel word.

Hierdie sal die volgende insluit:

Vakadviseur / Departementshoofde:


- Monitorings- en Ondersteuningsinstrument

Onderwysers:

- 'Hoe om' riglyne
- 'Hoe om' video's
- Addisionele MLV toets C - leesstuk
- Addisionele MLV toetse D - begripsvrae

Daarbenewens nooi die NHLRP alle belangstellendes uit om by te dra tot 'n bewaarplek/biblioteek van ondersteuningsbronne.

Doen dit deur 'n e-pos te stuur na: materials@nect.org.za



Weeklikse roetines

Maksimum Tyd (8 ure per week)

- Die gestruktureerde leerprogramme volg elke week dieselfde roetine.
- Dit maak dit vir onderwysers en leerders maklik om te volg.
- Leerders kan, sodra hulle die roetine ken, vir die volgende aktiwiteit voorberei.
- Hierdie roetine is gebaseer op die **maksimum tyd vir Huistaal**, volgens KABV: 8 ure per week.

WEEKLIKSE ROETINES

Maandag 1 uur 30 minute		Dinsdag 1 uur 30 minute		Woensdag 1 uur 50 minute		Donderdag 1 uur 35 minute		Vrydag 1 uur 35 minute	
	Luister en praat 15	Luister en praat 15	Luister en praat 15	Luister en praat 15	Luister en praat 15			Luister en praat 15	15
	Klanke 15	Klanke 15	Klanke 15	Klanke 15	Klanke 15	Klanke en morfologie 15	Klanke en morfologie 15	Klanke en morfologie 15	15
	Handskrif 15	Handskrif 15	Handskrif 15	Handskrif 15	Handskrif 15	Handskrif 15	Handskrif 15		
	Gedeelde lees 15	Gedeelde lees 15	Gedeelde lees 15	Gedeelde lees 15	Gedeelde lees 15	Gedeelde lees 15	Gedeelde lees 15	Gedeelde lees 15	15
				Skrif 20	Skrif 20	Skrif 20	Skrif 20	Skrif 20	20
	Groepbegeleide Lees / Gepaarde- & Onafhanklike Lees 30	Groepbegeleide Lees / Gepaarde- & Onafhanklike Lees 30	Groepbegeleide Lees / Gepaarde- & Onafhanklike Lees 30	Groepbegeleide Lees / Gepaarde- & Onafhanklike Lees 30	Groepbegeleide Lees / Gepaarde- & Onafhanklike Lees 30	Groepbegeleide Lees / Gepaarde- & Onafhanklike Lees 30	Groepbegeleide Lees / Gepaarde- & Onafhanklike Lees 30	Groepbegeleide Lees / Gepaarde- & Onafhanklike Lees 30	30

WEEKLIKSE ROETINES

Graad 1 Minimum Tyd (7 ure per week)

- Hierdie roetine is gebaseer op die minimum tyd vir huistaal volgens die KABV.

MAANDAG 1 uur 15 minute	DINSDAG 1 uur 15 minute	WOENSDAG 1 uur 45 minute	DONDERDAG 1 uur 15 minute	VRYDAG 1 uur 30 minute
	Luister & Praat 15	Luister & Praat 15	Luister & Praat 15	Luister & Praat 15
Klanke 15	Klanke 15	Klanke 15	Klanke 15	Klanke 15
Skrif 15	Skrif 15	Skrif 15	Skrif 15	
Gedeelde Lees 15		Gedeelde Lees 15		Gedeelde Lees 15
		Skrif 15	Skrif 15	Skrif 15
Groepsbegeleide Lees / Lees in pare & Selfstandige Lees 30	Groepsbegeleide Lees / Lees in pare & Selfstandige Lees 30	Groepsbegeleide Lees / Lees in pare & Selfstandige Lees 30	Groepsbegeleide Lees / Lees in pare & Selfstandige Lees 30	Groepsbegeleide Lees / Lees in pare & Selfstandige Lees 30

Aanpassings

Luister & Praat	Week 1 van die tema, Dinsdag: Combineer die lesse van Maandag en Dinsdag – stel die tema bekend, behandel die taalverryking en onderrig die woordeskat.
Gedeelde Lees	Maandag: Combineer die lesse van Maandag en Dinsdag – stel die teks van die storiebundel bekend en doen die aktiwiteite voor die lees. Woensdag: Doen 'n deeglike Eerste Lees van die teks aangesien die leerders die tweede lees van die teks wat op Donderdae in die maksimum tydsroetine plaasvind, sal misloop.
Skrif	Woensdae – Vrydae: Volg die roetine vir die skryflesse teen 'n effens vinniger tempo aangesien die duur van die skryflesse met 5 minute verminder word.



Hulpbronne

Die NHLRP sluit die volgende hulpbronne in:

1. Onderrigplan
2. Klankkaarte
3. Handskrifmuurkaarte
4. Storiebundel: Gedeelde Leesverhale
5. Flitskaarte
6. Kernleesboek
7. Assesseringsboek

Onderrigplan

- 'n Onderrigplan word vir elke kwartaal voorsien.
- Dit bevat roetine-lesplanne vir alle lesse in Kwartaal 1.
- Dit sal 'n goeie idee wees om die roetine en voorsiene lesplanne te volg wanneer u die program vir die eerste keer gebruik.

Sodra u bekend is met die program se roetine en pedagogieë, is u egter welkom om die program aan te pas volgens u eie onderrigstyl en -behoefes.



KWARTAAL 1 | WEEK 1 | MAANDAG

Handskrif: Doen grondlynassessering

TYD: 15 minute

Hulpbronne: Assesseringsboek

1. **Gebruik hierdie tyd om letterformasie te assesser.**
 - a. Sorg dat die leerders rustig is, sodat u hulle aandag het.
 - b. Deel papier en vetkryte of potlode uit.
2. **Vra die leerders om te skryf:**
 - Al die letters wat hulle ken.
3. **Vlakbeskrywings:**

1 = Die leerder skryf minder as 10 letters of daar is baie foute met letterformasie.
2 = Die leerder skryf 10-15 letters, maar daar mag dalk foute met letterformasie wees.
3 = Die leerder skryf meer as 15 letters en die meeste letters is korrek gevorm.

Gedeelde lees: Stel die storie bekend

TYD: 15 minute



Hulpbronne: Storiebundel, Inleiding bladsy 1

1. **Stel die storie bekend.**
 - a. Sê: Hierdie Week gaan ons die storie lees met die titel, *Olwethu se eerste skooldag*.
 - b. Sê: Hierdie verhaal gaan oor Olwethu, 'n meisie wat bang is vir Graad 1. Ons lees oor hoe sy voel voordat sy skool begin, en dan hoe sy voel sodra sy skool begin het.
 - c. Vra: Weet jy enigiets hiervan?
 - d. Wys die leerders vlugtig die prente in die storie.
2. **Bou die leerders se agtergrondkennis.**
 - a. Deel en verduidelik die agtergrondinligting wat vir die storie verskaf is.
 - b. Wys aan die leerders waar die storie plaasvind deur van die Storiebundel se kaart gebruik te maak.
 - c. Vra: Het julle enige vrae oor die storie?
3. **Verduidelik die begripstrategie.**
 - a. Sê, hierdie Week gaan ons leer **hoe om verbindings te maak**.
 - b. Verduidelik die strategie aan die leerders.

Klankkaarte

- 'n Klankkaart vir elke klank wat onderrig of hersien word, word ingesluit.
- Hierdie kaarte word nie ingesluit vir konsonantsamevoegings nie, want alle konsonantsamevoegings is 'n kombinasie van klanke.
 - Leerders moet verstaan dat hulle die individuele klanke op verskillende maniere saam kan groepeer sodra hulle dit geleer het.
 - Hulle kan 'n konsonant en 'n vokaal saamvoeg, byvoorbeeld m-a = ma
 - Hulle kan twee konsonante saamvoeg, byvoorbeeld: s-w = sw


Voorbeelde van klankkaarte:



Drukskrif: handskrifkaart

Drukskrif word aangeleer vanaf Graad 1 Kwartaal 1 tot en met Graad 2 Kwartaal 2.

- Dit word aanbeveel dat die drukskrifprogram met die klankprogram verbind word.
- Dit help die leerders om hulle kennis van die foneem-grafeem (klank-letter) verbandskap te konsolideer.
- 'n Handskrifmuurkaart vir drukskrif is ingesluit in die hulpbronnepakket om sodoende korrekte lettervorming te ondersteun.



Copyright © 2026. This work is openly licensed via CC BY-NC-ND 4.0

NHLRP National
Homes Language
Reading Programme

Storiebundel: Gedeelde Leesverhale

- Die Storiebundel bevat 8 stories per kwartaal, twee per tema.
- Elke storie begin met 'n gedeelte wat voor die lees gedoen moet word.
- Dit word gevolg deur 'n geïllustreerde storie.
- Elke storie eindig met 'n gedeelte wat na die lees behandel moet word.
- Die stories is ontwerp om die leerders se woordeskat en agtergrondkennis te verbreed.
- Dit is ook ontwerp om die leerders se begrip en kritiese denkvaardighede te ontwikkel.



KWARTAAL 1: STORIES



	1. Olwethu se eerste skooldag	1
	2. My penmaat, Li Wei	13
	3. Teddie kry 'n haarsny	25
	4. Tseko se nuwe babasussie	37
	5. Bohlale se nuwe boek	51
	6. Mogau leer om te lees	65
	7. Die groot beet	79
	8. Hoekom die lamas hoog woon	93

Flitskaarte

- Flitskaarte word per kwartaal, vir die gebruik in verskillende lesse, voorsien.
- Hierdie flitskaarte is ontwerp om tydens die les as 'n onderrighulpmiddel gebruik te word.
- Flitskaarte kan dan in die klas, as deel van die klanke of tema-uitstalling, vertoon word.
- Ontwikkel 'n stelsel om u flitskaarte effektief te bestuur.
- Gebruik 'n plastiese omhulsel of 'n koevert vir elke tema.
- Skryf die kwartaal en tema op die plastiese omhulsel of koevert.
- Vervang ontbrekende flitskaarte deur u eie te maak.

skool

bang

eerste

Kernleesboek

- Die Kernleesboek word volgens twee-weeklikse temas georganiseer. Elke tema begin met 'n temabladsy wat die volgende insluit:
 - a. Die tema se titel.
 - b. Die titels van die tema-verwante storiebundel-verhale.
 - c. Taalverryking – 'n temagebaseerde idioom, slagspreuk, rympie, aanhaling, gedig of rympie, of 'n liedjie om die leerders te leer.
 - d. Getematiseerde woordeskat wat saam aangebied word, met eenvoudige definisies.
 - e. 'n Besprekingsvraag of twee, wat die gesin/familie betrek.
- Die Kernleesboek sluit ook 'n reeks aktiwiteite vir elke dag van die week in, oor 'n tydperk van agt weke vir elke kwartaal.
- Die aktiwiteite in die Kernleesboek is noukeurig geselekteer om sistematies die volgende te ontwikkel:
 - a. Klankkennis
 - b. Dekoderingsvaardighede
 - c. Enkoderingsvaardighede
 - d. Morfologiese bewustheid
 - e. Vlotheid, en
 - f. Leesbegrip
- Op Woensdae word tema-verwante prente op die volgende wyse in die Kernleesboek ingesluit:
 - a. Op die eerste Woensdag van die tema word 'n prent ingesluit om leerders aan te moedig om dieper na te dink oor die tema. Die Onderrigplan sluit woordeskat in en besprekingsvrae wat aan die prent verwant is.
 - b. Op die tweede Woensdag van die tema word 'n kreatiewe storievertel-prent ingesluit. Hierdie prent toon 'n 'oomblik in tyd' aan wat in elke leerder se eie verhaal ingesluit moet word. Die Onderrigplan sluit 'n opdrag in wat gebruik kan word om leerders aan die gang te kry.
- Die Kernleesboek word gebruik by lesse in Klanke & Morfologie. Onderwysers kan dit eksplisiet gebruik om vaardighede met die hele klas te onderrig en te ontwikkel.
- Bykomend hiertoe gebruik die leerders die Kernleesboek op 'n daaglikse basis gedurende Groepleessessies.



KWARTAAL 1 | WEEK 1 | MAANDAG

Tema: Ons gaan skool toe

Taalverryking:

Rympie

'n Kort geskrewe gedeelte waar woorde baie dieselfde eindklanke bevat. Rympies het meestal 'n sterk ritme en is pret en maklik om te onthou.

Die wakker lui
trieng, trieng, trieng
Geen rus vir my.
Ek sou baie liewer in die bed wou bly!
Soggens moet ek vroeg opstaan,
want ek moet mos skool toe gaan!

Hierdie rymple handel oor 'n kind wat moet skool toe gaan, maar hy/sy sou liewer 'n bietjie langer wou slaap.

Verhale:

Olwethu se eerste skooldag

Li Wei, my penmaat

Woordeskat:

skool: 'n Plek waar kinders saam met onderwysers en maats leer.

bang: Hoe jy voel as jy dink dat jy kan seerkry.

eerste: Voor al die ander, die eerste in die ry.

China: 'n Baie groot land in Asië. Baie mense woon daar. Hulle praat verskillende tale en eet verskillende kosse.

leer: Om nuwe dinge te ontdek en om te leer hoe om dinge te doen wat jy nie voorheen kon doen nie.

2



Temaprent voorbeeld



Kreatiewe storievertelling voorbeeldprent

Assesseringsboekie


Die Assesseringsboekie sluit die volgende per kwartaal in:

KAB Formele Assesserings

- Assesseringsriglyne
- Assesseringsprogram
- Voorbeelde van Asseseringstake
- Voorbeelde van Nasienskemas en Memoranda

Mondelinge Leesvlotheid

- Nasionale Maatstawwe
- Die administrasie van die toetse
- Berekening van Leesvlotheid
- Analiseer en Gebruik Uitslae
- Kwartaallikse MLV-toetse



GRAAD 1 | KWARTAAL 1 MLV-TOETSE

 **Kwartaal 1 MLV-toetse**

NHLRP MLV					
Taal: Afrikaans					
Toets 1.1A					
Onderwyser se kopie					
15 klanke / 30 sekondes					
s	E	i	t	n	5
a	S	e	N	o	10
t	u	s	l	n	15

9



Klaskamerbestuurstrategieë

Dit is makliker om 'n leerprogram in 'n klaskamer te implementeer wat georganiseerd is en goed bestuur word. Hier is 'n paar klaskamerbestuurstrategieë wat u kan gebruik.

1. Uitroep van Leerders

Wanneer?


- Wanneer u 'n vraag vra of instruksies aan die leerders gee.

Waarom?

- Dit is belangrik dat alle leerders die geleentheid kry om individueel 'n spreekbeurt te kry.
- Die rig van vrae en verspreiding van take onder die leerders verseker dat elke leerder die geleentheid kry om deel te neem.

Wat moet u doen:

- Skryf elke leerder se naam op 'n stokkie.
- Daar moet 2 bottels wees. Nommer die twee bottels, 1 en 2. Plaas al die stokkies met die name op, in bottel nommer 1.
- Wanneer u wil hê 'n leerder moet 'n vraag antwoord of 'n taak uitvoer, trek u 'n naamstokkie uit bottel 1.
- Roep die leerder om die vraag te antwoord of die taak uit te voer en plaas dan die stokkie in bottel nommer 2. Dit wys dat al die name in bottel nommer 2 'n geleentheid gehad het om deel te neem.
- As al die name oorgeskuif is na bottel nommer 2 word die proses herhaal.
- Moet net nie vergeet van watter bottel jy besig is om name te trek nie, en watter bottel die name in het van leerders wat reeds deelgeneem het nie!



2. Aandagstrategieë (Om Leerders se Aandag Te Verkry)

Wanneer?


- Wanneer dit nodig is om die leerders se aandag te verkry of om die leerders tot bedaring te bring.


Waarom?


- Hierdie kort aktiwiteite sal u help om die leerders in die klas op 'n genotvolle en aktiewe manier te beheer.
- Dit leer ook die leerders om te luister en saam te werk.


Wat moet u doen:

- *Let wel: Maak seker dat u die leerders leer hoe om te reageer wanneer hulle 'n aandagstrategie hoor, voordat u dit gebruik.*
- Gebruik een van die strategieë om die leerders se aandag op 'n speelse manier te verkry.
- Dit mag nodig wees om die strategie te herhaal.
- Wanneer u die leerders se aandag het, gee aan die leerders die volgende instruksie.









3. Die bepaling van 'n Gedragskode

Wanneer?


- Aan die begin van die jaar en aan die begin van elke kwartaal.

Waarom?

- Dit is belangrik om jong leerders spesifiek te leer hoe om op sekere tye op te tree.
- Byvoorbeeld, wanneer u'n nuwe konsep verduidelik, of 'n storie voorlees, verwag u van hulle om stil te sit, te konsentreer en op u te fokus.
- Wanneer u leerders spesifiek onderrig hoe om hulle in sekere situasies te gedra, kan u beslis van hulle verwag om hulle korrek te gedra.

Wat moet u doen:

- Gebruik 'n aandagstrategie en sê:
 - Ek wil hê julle moet op die mat kom sit, boude plat op die grond en met julle bene gekruis.
 - Ek wil jou hande in jou skoot sien.
 - Ek wil hê jy moet jou oë toemaak.
 - Ek wil sien hoe jy op jou asemhaling fokus.
- Gee die opdrag aan die leerders om tot ruste te kom en wag dan 30 – 45 sekondes.
- Wys dan die leerders uit wat die opdrag goed uitvoer, sê spesifiek wat hulle goed doen.
- Sê: "Ek sien Nomsa sit met haar boude plat op die vloer en haar bene is gekruis. Haar hande is in haar skoot en haar oë is styf toe. Mooi so Nomsa, fokus nou op jou asemhaling, asem in, en uit..."
- Herhaal 'n paar keer en fokus op die 'regte reaksie' van 'n paar leerders.



4. Bestuur van Groepbesprekings

Wanneer?


- In Huistaal, met groepbesprekings, tydens Gedeelde Lees verhale op Vrydae.

Waarom?

- Dit is belangrik om jong leerders spesifiek te leer hoe om hulle te gedra tydens besprekings.
- Dit is ook belangrik om hulle toe te rus met verskillende strategieë om beurte te maak.

Wat moet jy doen:

- Oefen u leerders om die volgende te doen:
 - Verdeel leerders eerstens in klein groepies.
 - Volgende, moet die leerders die besprekingsvraag of -raamwerk in gedagte hou.
 - Dan moet elke leerder 'n beurt kry om elke vraag te beantwoord.
- Dit kan 'n goeie idee wees om 'n 'praatklip' te gebruik om die bespreking te beheer.
- Gee vir elke groep 'n item soos 'n kleurvolle klip.
- Die persoon wat die klip vashou praat terwyl die ander lede van die groep luister.
- Sodra die eerste leerder klaar gepraat het gee hy die klip vir 'n ander lid van die groep om sy opinie te lug. Hou so aan tot die bespreking klaar is.



5. Oorgangsaktiwiteite

Wanneer?


- Tussen aktiwiteite of lesse, of wanneer leerders rusteloos raak en 'n breuk nodig het.


Waarom?


- Dit is baie moeilik vir jong leerders om stil te sit en vir lang periodes aanmekaar gefokus te bly.
- Hierdie oorgangsaktiwiteite sal hulle verfris om weer te fokus sodat hulle leer kan geniet.

Wat moet u doen:

- Gebruik van die oorgangsaktiwiteite om leerders te help om op 'n speelse manier te fokus.
- Wanneer u die leerders se aandag het, gee aan hulle die volgende instruksie.







1

- Leerders begin in 'n 'geslote' posisie. Hulle lê op die mat, styf opgekrimp soos 'n bal.
- Leer die leerders dat wanneer jy sê 'strek stadig' moet hulle hul hele liggaam stadig uitstrek en langer maak, totdat hulle nie meer kan nie.
- Leerders moet vir 'n paar sekondes die posisie behou.
- Wanneer jy sê 'krimp' moet hulle terug krimp in 'n balletjie.
- Leer die leerders om jou opdragte in stilte uit te voer, sonder om aan iemand anders te raak.

2



S-t-r-e-k s-t-a-d-i-g


3



Oorgangsaktiwiteit

Strek en krimp

4



Krimp

5



6



Dankie!

Die Departement van Basiese Onderwys waardeer die pogings en kundigheid van ons grondslagfaseonderwysers. Ons hoop dat u hierdie program geniet en dat u dit u eie sal maak.

Saam kan ons die 2030-doelwit bereik om te verseker dat elke kind teen tienjarige ouderdom met begrip kan lees.

Ons bedank u vir u harde werk, toewyding en verbintenis tot die kinders van Suid-Afrika.





NHLRP | National
Home Language
Reading Programme

